

Àrthana, progetu “Giovani per il paese”



S'interventu est dedicadu a is pitzocos de edade cumprèndida intre is 15 e is 18 annos residentes in su Comunu de Àrthana.

Is giòvanos interessados a acumprìre sa faina disciplinada dae su presente Regulamentu ant a dèpere presentare apòsita dimanda imprende su mòdulu disponìbile in s'Ufitziu de su

Servìtziu Sotziale o in su giassu istitutzionale comunale www.comunediarzana.it e at a dèpere l'òmpere intro no a pustis de is oras 13:00 de sa die 11 de argiolas 2025;

Su voluntàriu est tentu a acumprìre sa faina sua cun seriedade e segretesa sighende su printzìpiu de sa collaboratzione cun cada àteru operadore, ufitziu o istrutura chi bèngiat a cuntatu pro motivu de servìtziu.

Su voluntàriu depet tènnere una conduta perfeta in is cunfrontos de is utentes, at a dèpere mantènnere sa segretesa in contu de fatos e tzircustàntzias chi interessant su servìtziu e de is cales apat intèndidu calicuna cosa durante su servìtziu. Est recherta una particolare disponibilidade a is raportos interpersonales e a su traballu de iscuadra. A is giòvanos voluntàrios si pedit sa màssima flessibilidade de impreu dae su puntu de bista de s'oràriu, cuntemplende sa possibilitade de prestare servìtziu, in casu de netzessidade, fintzas in is dies de festa, in relatzione a is sìngulas progetualidades de interventu ativas.

Is voluntàrios ant tènnere unu rolu de sustennu e de integratzione de is fainas organizadas dae su Comunu, operende fintzas cun àteros operadores.

Is voluntàrios, in pagos faeddos, ant a pòdere:

- agiuare is betzos o no autosufitzientes faghende calincunu cumandu, comente su ritiru de is retzetas de is ambulatòrios pro ddas intregare a sa potecaria de sa bidda, portare pastos a chie nde tenet bisòngiu e fàghere cumpangia;
- agiudare is operadores in s'acumprimentu e in sa realizatzione de is diversos laboratòrios imprende is potenzialidades insoro pro animare is diversas fainas dedicadas a is prus piticos.

Documentos